



士林詩選卷下

嘉禾懷悅

用和

編次

校正

吳興丘吉

大祐

校正

五言律

李孟昭

幽居

雨後看新水
天空望遠山
入雲蒼隼健
坐浪白鷗閑
酒盡壺還賞
詩成字重刪
才疎信檝散
非為惜朱顏

過湖二首

歸心喜便風
孤棹出吳淞
急雨捎寒浪
殘雲

漁人舟是宅龍伯水為宮浩蕩烟波裏長吟興不窮
又

巨浸渺天涯輕帆破浪花鷹聲聽去遠山色望中賒
映水看新月占晴見晚霞水村漁唱杳客思繞鷗沙

溪居圖

畫裡溪山好溪亭事事幽闌干三面水風月四時秋
野老時分席漁人每繫舟此中容隱逸何用覓丹丘

李孟璿

題畫

眼底江山現毫端造化生書樓開曉霽漁艇釣春晴

輕霧田田草東風樹樹鶯欲求歸老計秋獲白雲行

竹隱

結茅脩竹裏風景類瀟湘窓納秋聲冷林移晝影涼
截筍虬骨細垂釣玉竿長此地無炎暑當來醉夕陽

劉溥

秋夜有感

名韉經歲縛衫袖總縑塵萬里江南月孤燈莫北身
囊空為客久髮短見秋頻明日尋歸棹終為江海人

紅梅

姑射仙肌瘦春來耐得寒靈砂新換骨懶隨舊醫癩

酌酒嬌顏色
飡霞冷肺肝
暗香吹雪夜
相約倚闌看
姚綸

山水扇面

樓倚青冥外
亭藏綠樹間
泉聲先有雨
雲氣欲無山
遠浦孤帆去
平橋一騎還
此中宜逸跡
却愧未能閑
雪景

寒空飛雪滿天地
玉壺中一色梨花月
千家柳絮風
山童候虛牖
吟客載孤篷
試問陽春曲
何如白戰工
畫馬

何年來駿骨
畫史貌能真
千里電一掣
五花雲滿身

香塵金谷道
青草玉關春
獨立渾無侶
長鳴似待人

觀泉圖

何處觀飛瀑
閑來坐落星
如懸足練白
界破兩岷青
色瑩遠猶見
聲誼近可聽
濯纓吾未暇
且得漱餘醒

華山高睡圖

白雲深似海
長日睡膏騰
脫帽露雙鬢
支頤曲一肱
聞鶴時已定
化蝶夢無憑
惆悵華山頂
何人得解登

頭畫

風景蒼茫地
人家遠近烟
雲低長嶺
樹江闊欲吞天
白日消仙局
青山落釣船
平生蕭散意
對此轉堪憐

蘇平

挽潭上人

早悟三乘法今登不二門空潭孤月在寒殿一燈昏
生死人間夢輪迴石上魂童來禪隱處對景欲何言
和醉雪養病韻二首

結茅人境外盥御有餘閑坐對琴邊月吟看笏外山
青雲忘夢寐白首遠塵寰俯仰乾坤內榮枯了不關

又

落魄知凡俗幽居近水湄烟波閑裡釣春草夢中池
道在寧憂病心閑不廢詩桃花源裏路只恐世人知

次樂畊過寄漚方丈韻

安國古禪寺閑房隱竹深人行紅樹裡僧住綠蘿陰
花雨連雲影鐘聲雜磬音清談竟無寐滄海月初沉

沈愚

長安道

西望長安道東風吹綠塵闐雞三市曉躍馬五陵春
柳色迷行客花香撲麗人金張居戚里遊宴不辭頻
寒夜對酒留別金陵知己

別離頻對酒去住惜分襟楚水歸帆遠吳門驛路深
曉鐘孤客夢寒月故鄉心為語同袍者愁多莫苦吟

東歸句容道中作

上國今晨別鄉山此路通鳥聲寒樹裡人影夕陽中
旅宿偏愁而征衣不耐風往來知幾度搔首歎飛蓬

晚登江樓有作

潮落見漁洲江天宿雨收月明山寺夜雲影海門秋
宿鵲驚風起殘螢逐水流因均乘此興重醉驛南樓

齋居晚興

疎懶山妻怪清貧俗士嫌耽詩慚杜牧嗜酒笑陶潛
地僻苔生迳堂虛月上簾薰貧深處好幽興晚來添

蘇正

春夜別友人

燭影帶晴烟花枝拂錦筵娛情延永夜離思遶長川
絃管留華月參辰動曉天那堪頻賦別華髮見流年

南州有贈二首

明月天涯路青雲

北關心關山行李遠江水別愁深芳草王孫怨春風遊
子吟孤鴻啼落日惆悵此分襟

又

天路無期到春湘帶恨流亂山愁對酒落日獨登舟
書劍憐同客江湖耐薄遊離心寄明月相逐遠悠悠

江南旅情

天涯為客久生計日蕭條
旅况頻看月鄉心獨聽潮
春歸江上早家在夢中
遙無限相思意東風白下橋

松江獨宿

旅宿孤舟裡寒燈對客愁
江山今夜月風露一天秋
水滿蒹葭渚霜清杜若洲
明朝尋舊約來此狎盟鷗

送僧自吳遊蜀

注來無定跡那肯卧幽林
一錫空中影孤雲世外心
猿聲巴峽近春色蜀江深
落月松窓下令人想梵音

陳顥

題扇寄贈徐橘莊

吾友南州老論文二十霜
看山多共酒聽雨或聯床
械字魚鴻杳登樓雲樹長
幽懷何日倒佳會待新涼

題扇

故人尋舊約小艇作行窩
天影波千頃蘋香雨一蓑
霞明紅葉艷山近白雲多
落日滄洲曲離愁奈爾何

聶大年

西湖

西出江城外烟霞隔世塵
鐘聲三竺曉花氣六橋春
鷄犬桃源地笙歌閬苑賓
時平得遊賞忘却宦中身

丘大祐

寄妙喜沈仲文

群峰湖水外諸秀雲川西地沃花藏徑林深雲護泥
鶴笙仙客下泉石故人棲我有携琴興何慚蒼耳迷

王興宗壽日

城郭清高地琴書故舊家一身仙不老三子玉無瑕
綠髮青精飯紅顏寶鼎砂華軒簪重盍談笑吸流霞

和韻答吳公明

小橋穿磻出虛戶隔花關翡翠高低樹芙蓉遠近山
鶻棲蒼霧穩人卧白雲閑何異仙家境當來問大還

費士孚壽日

嘉名江海外幽跡市寰中白苧衣初夏紅霞臉尚童
菊潭千歲水花塢四時風坐看斑衣笑長生鶴髮翁

送杜經府

酒盡芙蓉幙船開杜若洲錦帆風度水寶劍匣藏秋
紅日雙龍闕青雲五鳳樓

綸音重喜聽談笑出皇州

幽居

新虹村外雨穠樹屋頭禽風霞蛛絲亂蛙時池草深
桃椎終織屨靖節豈無琴不阻躬耕興將歌梁甫吟

又

鄰疎茅屋靜，徑古石橋危。卧木行人礙，巢禽稚子窺。
清風穿柳早，晴日度雲遲。搜思能催老，年來欲廢詩。

夜坐

夜坐風欺扇，涼眠月占床。星辰瞻北斗，風景想西莊。
絡緯催秋語，芙蓉待露香。自吟過鼓角，誰與遣淒涼。

立秋

璇斗初回柄，商飈早薦秋。梧迎金氣落，溪帶玉蟾流。
看劍淒涼館，吹笙遠近樓。可憐寒與暑，次第白人頭。

携妓訪章文胤其門前有真珠泉

酒挈雙罌綠，山行兩屐雲。真珠池上水，翡翠柳邊裙。
諱語消秋思，清歌緩夜醺。東山賢謝傳，吾與爾同群。

賦觀梅清趣

不引移春檻，先開種玉庭。帝編山月在，畫角夢魂醒。
愛雪堆慵掃，聞香戶不扃。年年花畔醉，催得鬢星星。

七夕

七夕星河見，幾年城郭看。清風庭葉脆，白露玉杯寒。
秋影雲中兔，笙聲海上鸞。無文乞天巧，用拙老江干。

陸孟和山莊

下菰南數里，茆屋故人在。燒石雲藏竈，攤書月滿床。

雪花鬢鬢色玉樹子孫行留我論文坐松醪夜過墻
初度 己巳年

客邊初度日卧病起來遲風月杯中物功名鏡裡絲
乘軒慚老鶴曳尾愛神龜顛顛今年甚思親淚滿頤

松軒

開軒愛青士相對遠塵氛艾衲收春雨江珠鑿曉雲
簞涼金薤卷杯冷翠濤分興比山中相秋聲夜夜聞

中秋遇雨

雨點聽來急蟾光候不明可憐孤館客難借一宵晴
照眼銀荷火催詩畫閣笙何由掃雲醫客我見輕清

東林解后周以文

十年身似夢一見鬢驚霜執手愁俱掃論心喜欲狂
採菱秋袂冷分菊晚杯涼明日當重約携琴君子鄉
送劉檢府致仕

幙卷芙蓉水帆開襪經風惠多民事簡俸少客囊空
林樾秋雲白桑榆落照紅淵明歸去早高卧菊花叢
病腰

一病尋幽客風邪卒未消有醫方不驗無穴艾空燒
未老先拄杖逢人懶折腰城南春正好閉戶歎蕭條
贈趙宗美

傾蓋情如故西齋日見陪文章新綉錦聲價舊瑣瓊
看畫消紅燭談詩駐酒杯夕陽南浦上臨別首重回

宜晚樓

畫樓侵碧漢好在夕陽天綠野鈎簾際青山挂頰邊
歸鴉雲暝樹落鴈稻香田何處叢林近鐘聲出紫烟

留月軒

海月開圓鏡徘徊向我明庭中移席款窓上卷簾迎
桂影銀杯酒梅花玉管笙西樓人去速相對待詩成

寄金陵邵以誠

儒衣耽旅跡隨處吐文光春夢江南兩年華鬢上霜

風雷藏劍匣珠玉重詩囊不道青門外瓜田日就荒

馮廷珪生日

名重衣猶白顏紅鬢不華鶯花壺內酒歲月鼎中砂
口滴三危露胸藏五色霞孤南星有象先照地仙家

西爽軒

柱笏巫山近虛簾不下鈎烟霞橫地起河漢入窓流
殘月瑤池曉清風玉井秋短屏雲母薄涼意正颼颼

十四夜月

桂影不可掃月光照我愁未當三五夜尚少一分秋
碧海蕭郎鳳清風度爽樓玉尊空不得看取鷓鴣裘

暮春

正憐長晝景忽爾夕陽天紅藥黃鸝後青山白鳥邊
筓迎籬雨出柳壓浦雲眠蚕市今朝近家家桑柘烟
寄汴梁趙公子永和

一遠不可見契闊怨年華汴水雲千里吳鄉樹十花
寄書荒白鴈看劍老青蛇縮地無由得臨風起歎嗟

送天如上人歸姑蘇

半生詩畫筆揮滿五湖東秋影蒼筠墨天香寶樹風
踏蘆江水闊飛錫海雲空明日楓橋下歸聽半夜鐘

柳莊八詠

西林烟閣

西林高閣起煙霧滿蒼空倚檻鴻濛外鈎簾蒼莽中
麥苗千頃雨花氣萬家風向晚聞漁笛窓前落照紅

南浦風帆

南湖風正急帆影趁春晴掛日檣鳥小飛雲水鷁輕
孤槎衝碧漢一粟寄滄瀛目極天邊去須臾萬里程

千堤柳色

千枝新種柳垂遍野塘灣態度欺張緒腰肢如小蠻
綠絲春雨外細影夕陽間留蔭長亭路行人不可攀

一沼蓮香

觀蓮池水上海氣藹南薰洗骨照脂水裁衣錦綉雲
折紅花露滴剪綠藕絲分落日吳娃過清歌隔岸聞

春雨農歌

壟上勞耕作長歌發嘆嗟調高雲不動聲緩日初斜
野渡空流水春風自落花悠揚真可聽幾度為停車

夕陽牧笛

牧豎橫長笛悠揚到耳根輕風揚柳岸落日杏花村
李委今塵土桓伊古夢魂何如牛背上一曲卧黃昏

月軒聽鶴

白鶴鳴松徑幽人正倚樓一聲飛碧落兩翼振滄洲

殘月瑤臺曉涼風珠樹秋可憐凡骨重騎不到揚州

池檻觀魚

池晴魚作隊鬢鬣正洋洋倚醉風前檻憑虛水面床
澄波青藻細微雨綠蘋香自得莊生樂徘徊到夕陽

岑琬

松陵道中

野闊烟凝樹湖深水近田丫鬢挑稻女獨櫓賣魚船
鳥去青山外帆收古驛邊孤吟看北斗戀

關竟忘眠

思母

春雨渺山川深息仰昊天相思惟兩淚一逝又三年
魚躍寒冰解鳥啼夜月懸樹高風不靜遊子正凄然

客夜

交盟多變態客夜轉蕭條永漏城頭鼓寒聲雨外蕉
有愁詩易就無夢酒難消贏得身閑老何須慮早朝

寄東禪雲長老

千古東禪刹重開雲上人樓臺堯率境花木化城春
行道來龍象談空集鳳麟何時重相過携手柳溪濱

王淮

秋夜泛茗溪

倚棹茗溪上孤吟思不群抱珠龍卧月失伴鴈啼雲
樓影依橋見簫聲隔水聞詩成何處泊涼露正紛紛

唐廣

早春有感

愁多驚歲早無語對東風雪霽梅花後春歸柳色中
暖催山谷鳥晴送塞雲鴻轉覺無聊賴林頭甕已空

杏園春香

文杏初成圃東風早作春枝柔香雪重樹密絳霞勻
裝相坊如錦花奴鼓有神實成皆是粟鄉里不知貧

愛菊軒

簾卷秋深景花開菊老時日精紅白蕊露氣短長枝
甘谷分泉遠柴桑解綬遲年年重九日來醉落英危

客中送別

君有卜行日吾將賦遠遊關山孤月墮江海兩人愁
倦鳥重尋樹虛船自觸舟眼前今古意一倚仲宣樓
自咲

自咲謀生拙年年西復東未逢文舉薦難送退之窮
萬事蕉間鹿孤身雪上鴻只宜歸舊隱茆屋臥清風

姚翼

山水圖

筆掃金壺汁江山淺淡中綠波千頃雨白髮一竿風
鷹影雲垂塞蘋香秋滿蓬分明湘浦外霜葉映山紅

春夜

江樓誰鼓歇星斗畫圖中花柳千家月笙歌萬戶風
香濃金鴨煖客散酒瓶空獨坐難成夢燒殘寶炬紅

遊晉山

伍員埋玉地千載闕烟霞草綠巖殘碣泉香漱落花
海天歸老鶴林木怨啼鴉飛屩凌高頂愁雲滿眼遮
思兄

憶與同心別天涯歲又新路長雲去遠江闊一飛頻

草色重重雨荊花樹樹春
鷓原空極目落日正愁人

懷鐵松壽日

星見孤南象長空曉色寒
玉壺千日酒金鼎入還丹
瑤草春長好琪花露未乾
紅霞滿雙頰百歲老儒冠

送人之京

送客

京華去江頭踏鴈沙
兩鄉雙短鬢千里一仙槎
柳色河橋雨鶯聲驛路花
明朝相憶處雲樹渺天涯

過相湖

放棹來湖上晴光煖
困人浪花千頃雪烟柳萬絲春

麗日驕黃鳥香風蕩綠蘋
漁舟戀沙渚不肯載紅塵

哭劉德

別來嗟未久幽壑竟移舟
魂夢雲千變功名土一杯
琴間窻掩月劍冷匣藏秋
吹斷山陽笛東風泪亂流

送縣令之京

長亭車馬集奏績觀

重瞳佳政蒲鞭裡高情綠綺中
雙鳧千里月孤棹一江風
朝罷歸來日桃花滿縣紅

懷賀麒

不見知章久春江雙鯉沉
雲山千里夢詩酒百年心

海闊鷗盟冷門間草色深盍簪當有約談咲杏花陰

寒食思母

佳節逢寒食思親淚暗揮深息衣上線慈訓月中機
萱草傷秋露烏雞哺落暉一杯墳上酌春雨正霏霏

遊春

雨歇百花明江村散步行輕風雙袖暖落日萬山橫
晴影枝枝柳春聲樹樹鶯酒酣歸路晚詩思滿懷生

雪鷹圖

長空飛雪滿千里送征鴻影落湘潭水聲傳楚塞風
江山銀甕裡天地玉壺中近日無羅網關河處處通

章文仲

劉生

不事魯儒文談兵動

圭君開弓學明月射鷹落黃雲桃葉迷歌扇榴花醉舞
裙遨遊五陵地結納李將軍

擬武陵泛舟

移棹武陵路桃巷澗水分人家春塢樹蕉唱曙山雲
沙渚飛鷗陣溪田過鹿群到來機事息不道世紛紛

遊金粟寺

遙遙上方寺一徑入松扉坐石孤烟起談玄一鳥飛

林花垂暮靄山翠上春衣
回棹秦川路蒼茫月色微
擬晚發五溪

舟發黔中路孤吟背夕曛
秋聲巫峽水暝色夜郎雲
野店青山遠溪橋綠樹分
來菱歌棹遠風靜有時聞

懷蘇秉貞

自與隱人別桃源入望賒
斷雲孤鳥沒落日乳山斜
綠霧河橋柳紅霞野岸花
相思過此地非是愛繁華

陳雖

送宗上人住集慶

桂峯師住日滿地寶香飄
種竹斜連屋疏泉直過橋

林稀燈影露徑轉磬聲遙
我欲參禪悅頻來不用招

唐庠

寄吳汝璉主事

青雲官路近先著祖生鞭
刑鼎霜毫墨香爐粉署烟
鶯花春夢裡雲樹暮江邊
何日西隄下挑燈話昔年

送鄧華舅還金陵

一尊留客酒三月送歸人
芳草湖南雨流鶯白下春
寫詩囊有蘇策馬路無塵
明日梨園近看蒼香滿身

莫歲

過故人山莊

田園間碩步訪舊到君家當戶青山矗環村綠水斜
濁醪移玉醴香稻勝胡麻日入農談久班荆醉落花

送人南歸

天涯芳草遍灑岍柳條稀落日孤舟去滄江獨客歸
故山蒼鳥悅南國稻梁肥旦夕高堂上清尊映綵衣
擬春日早朝應制

環珮擁千官謳歌萬國歡

龍池春色麗金掌露華寒儀鳳來丹穴仙桃薦玉盤
太平多聖製

恩賜近臣看

懷悅

題橫幅小景

深徑深林裡莓苔綠到門山多雲墅樹溪曲水通村
補屋交藤蔓疏渠破石根抱琴何處客沽酒送芳尊
與姚夢草夜坐

故人經歲別夜坐話通家爐煖存紅火燈殘剪墨花
論詩香篆盡把酒月光斜未罄西窓醉俄聞鼓二搗

題墨竹

墨花垂兔穎千古尚濼濼翠羽風千葉秋聲兩一枝
詩題春粉節翩脫玉櫻兒湘浦人何在空聞鳳管吹

夜過鴛鴦湖

鴛湖行色晚蘭棹促歸船歌管城門月星河水底天
漁燈明鷺渚珠彩發龍洲身子呼風急蒲帆帶露懸
有懷蘇雲壑

山中有深壑長在白雲層把酒秋窓月看書夜雨燈
霧深能隱豹天遠不飛鵬轉眼年來別令人感慨增

聞鴈

秋高連夜至應為早霜催湘渚和雲度衡陽帶雨回
稻香紅粒老蘆敗白花堆好入冥冥去虞羅滿岸隈

秋興

秋來金氣轉蕭索萬山空水國芙蓉月人家絡繹風
客情雲影外農事稻香中回首青霄上鷗梯幾日通
聽琵琶

西齋人靜後聽橫紫檀槽意到聲尤壯情多手不勞
冷泉秋鑿鑿急雨夜漕漕拍碎紅牙板窓前月正高
題小景和韻

墨汁金壺裡青山罨畫中鳥啼蒼樹雨浪起白蘋風
蓑笠輕朝冕圖書重釣蓬茫茫湘水面遠帶落霞紅

春雨

惱我春天雨連綿數日陰洒林花淚重入樹鳥啼瘖

暮雲垂四野雪壓珠玕
應叫炬波陰霏滿音死
江南猶未凍塞北又知寒
一派瀟湘景鵝溪綃裡看

觀朱孟瑋寫花鳥

興來盤礴裡花鳥寂為工
鶴下毫端水鸞飛袖裏風
描摹勞意匠變化費凋蟲
沒骨徐黃法分明粉墨中

七言絕句

李孟昭

出京遇雪

步出都門日未西
漫空急雪路俱迷
歸家不把征袍
澣留取

天街輦轂泥

畫竹

鮮籜初開粉節香
拂雲又見影蒼蒼
鳳凰不至伶倫
老無柰荆榛特地長

題扇

銅鼎沉烟裊篆紋綠陰庭院坐南薰閑來忽動臨池
興掃盡羊家白練裙

集句

潯陽向上不通潮離別河邊縮柳條回首可憐歌舞
地玉人何處教吹簫

西湖夜宿

蹇驢衝雪岸烏紗夜醉西湖賣酒家十六吳姬吹鳳
管捲簾燒燭看梅花

青山白雲圖

白雲如水浸長溪山嵐翠濛濛曙色迷子
是江南春欲

暮綠陰深處鷓鴣啼

山色排空翠欲流煖雲閣雨未全收江南春暮渾相
似新綠陰中叫錦鳩

李孟璿

蓮房翠禽圖

錦雲零落夢江空翡翠翎邊夕照紅愁絕蘭茗烟水
外秋香吹老一灘風

題白蓮

凌波仙子襪生寒翠蓋低籠白玉冠遊遍若耶溪路
晚不知人在月中看

姚綸

題畫二首

野竹蕭蕭玉作叢
近山亭館夕陽中
詩翁小艇南湖上
消受荷香一棹風
青山隱隱遮書屋
綠樹陰陰覆釣船
好似江南春欲暮
嫩寒微雨落花天

擬秋閨怨

黃葉滿階秋已闌
征人千里隔長安
年年怨殺西風
鴈不送書來只送寒

綠柳黃鶯

柳梢烟霧曉冥濛
風急毬場掃落紅
底事綠窓人睡穩
不知春去鳥聲中

題畫

水繞山迴石路深
幽懷都付膝前琴
春來多謝垂楊柳
分得溪亭半榻陰

春閨二首

羅帕啼痕濕不乾
面皮嬌薄怕風寒
纖腰轉覺春來瘦
來得湘裙幾摺寬

口脂消盡懶重添
翠袖雙籠玉笋尖
怕得海棠春霧重
銀鈎放下水精簾

題便面

溪友持竿百不憂。西風紅樹新。磯頭鷗邊小艇輕。於
葉載得滄江幾許秋。

題畫

為愛春波似酒濃。閑來垂釣學漁翁。不知楊柳陰多
少。遮斷鷗邊半日風。

青山白雲圖

天開風景畫圖間。不斷雲連不斷山。一片綠陰茅屋
靜。半蓬斜日釣舟閑。

題雪景

寒壓孤蓬晚更多。一竿猶釣雪江波。歸來風致無人
回。空帶瑤花滿綠蓑。

題扇

桐花半落東風軟。山雨全收白晝長。寂寂溪亭人不
到。鴨頭春漲綠波香。

脩竹仕女

瑤臺無信托青鸞。一寸芳心思萬端。莫向東風倚脩
竹。翠衫禁得幾多寒。

荷花仕女

消受南薰一味涼。藕絲新織舞裙長。臨池試展凌波

步只恐紅蓮妬艷粧

折枝牡丹

花如頰霞繡幄籠沉香亭好倚東風只應野鹿嘶蹄
後留得妖環一捻紅

折枝芙蓉

鴈催霜信老蕙葭水際芙蓉正著花誰把金刀和露
剪一枝香濕鏡中霞

題畫

湖波渺渺綠蕪烟一舸閑停鏡裡天欲借探春蕪載
酒放歌醉倒白鷗邊

梅花小稿

愛看壁月掛梢頭幾向花前作醉遊無奈翠禽啼得
苦不容清夢到羅浮

蒼筤雙雀

五月江南雨似麻曲闌深院那人家多情雙雀飛鳴
處占斷薰風第一花

水月舟四景

新綠溶溶漲暖香春來無處不風光移舟夜向湖邊
泊分得花陰月半床
湖水無波月滿空冰壺倒浸玉芙蓉夜深吹醒蓬窓

酒兩袖荷香一棹風

西風香冷白蘋波蘭棹夷猶載客過欲問姮娥賒一醉清光今夕與誰多

卧倚蘭橈酒半醺月寒波冷夜初分無端羌笛風前起吹斷梅花夢裡雲

風竹

瀟湘深夜月華明帝子凌虛度玉笙禁得翠裾風剪剪珮環無處著秋聲

團扇仕女

濃黛消香淡兩蛾花陰試步學凌波專房自恃傾城

色不怕涼風到扇羅

倦綉仕女

玉纖無意理香絨春思相兼睡思濃留取工夫縱天巧綉得龍衣獻

重瞳

蘇平

上巳雨中有懷凌氏姪二絕

垂楊黃鳥寂無聲風雨空齋獨坐聽為問白頭林下客幾人詩酒醉蘭亭

東風吹雨萬花新青鏡流年解惜春最憶鼎湖山水好蘭舟載酒屬何人

墨菊

故園三徑吐幽叢。一夜玄霜墮碧空。多少天涯未歸客。借人籬落看秋風。

墨竹

長憶前朝李菊丘。墨君天下擅風流。百年遺跡留人世。寫破湘潭夢裡秋。

秋夜聞笛

霜滿空庭月影斜。夢回歸思繞天涯。不知誰奏江城笛。吹落寒梅一樹花。

昭君

琵琶彈淚翠眉顰。白草黃雲暗虜塵。幾度穹廬明月夜。夢魂猶憶漢宮春。

梅邊野酌

二月空山始見梅。半隨流水半蒼苔。東風解識騷人意。時遣餘香落酒杯。

寄沈通理

參差雲樹海天低。獨倚南樓望欲迷。無限離心寄秋月。流光偏照玉峰西。

織女詞

鳳梭停織鵲無音。夢憶仙郎夜夜心。雖得相逢容易

別銀河爭似妾愁深

沈愚

閭門柳枝詞

小蠻能唱白家詞
咲把纖腰闌柳枝
愁絕尊前春未老
風流太守髻成絲

枝枝搖翠縮香車
占斷春風日未斜
記得臯橋舊遊處
綠烟深鎖泰娘家

一灣流水赤闌橋
萬樹晴烟鎖翠條
應待使君殘醉醒
東風來舞小蠻腰

露葉連娟別淚凝
翠條纖軟舞腰輕
館娃宮畔斜陽

裡無限春風舊日情

垂楊深映小桃花
香霧空濛罩碧紗
彷彿金陵橋下望
行人遙指莫愁家

賦情竹芙蓉

寒花婀娜露凝香
風葉搖秋鳳尾涼
夢入書堂銀燭下
翠屏深處隱紅粧

折楊柳

春風垂柳映朱扉
嫩葉柔香如舞衣
欲折長條寄離別
玉關人遠鴈書稀

塞下曲

三更烽火奏清笳五月天山雪作花
飲向沙場收點
窮軍中壯士莫思家

蘇臺竹枝詞

弯弯新月照平湖綠水青山入畫圖
自古吳中佳麗地吳王西子在姑蘇
蘭橈乘月渡橫塘歌斷吳儂子
夜腔菱葉荷花空自好鴛鴦鷓鴣
謾成雙

書所見

春風陌上踏青歸油壁香車映落暉
笑拂遊絲花裡過多情蜂蝶近人飛

詠海棠

著雨胭脂點點消半開時節最妖嬈
誰家更有黃金屋深鎖東風貯阿嬌

無題

思君何處覓仙蹤望斷巫山十二峰
却怪曉來春夢裡碧桃花下又相逢

宮中詞

溫泉宮裡浴蘭湯珠箔風搖滿面涼
新製羅衣明日進熏籠火暖夜添香

秋娘詞

芙蓉屏幃綉簾攏
鳶影婆娑燭影紅
曾聽櫻唇歌白雪
不知涼月轉梧桐
綠窓晨起按涼州
每到歌殘淚欲流
莫遣西風吹舞袖
常娘憔悴不禁秋

春江曲

萬條烟柳拂汀花
一帶清流映白沙
貪向江頭弄春色
烏啼月落未還家

長門宮詞

宮門人靜漏沉沉
翡翠屏寒燭影深
若得

君王愛詞賦
蛾眉何惜長卿金

客中感春

遠隨春色到天涯
長恨春時不在家
黃鳥數聲啼夢醒
東風開過海棠花

題明皇夜遊圖

隔花雕輦度輕雷
御酒初停鳳管催
別初梨園千妓女
月中齊唱紫雲回

聽彈琵琶

纖纖素手拂檀槽
一曲霓裳換六么
寫盡東風離別恨
秦樓此夜不吹簫

金陵歲晚見花

嬌紅艷紫妬明霞
綉幄深籠一樹花
正是群芳搖落後
獨留春色在東家

題唐宮夜宴圖

寧王吹笛念奴歌
傾國妖環得寵多
花萼樓頭明月夜
夢魂不到馬嵬坡

蘇臺懷古集句

吳王舊國水烟空
錦繡湖山落照中
今日獨經歌舞地
野花黃蝶領春風
潮打孤城寂寞回
渡頭輕雨洒寒梅
傷心欲問前朝事
野燒空原盡荻灰

洞門高閣霽餘輝
極浦遙山合翠微
回首可憐歌舞地
百花深處一僧歸
水碧沙明兩岸苔
寢園無主野棠開
英雄一去豪華盡
前度劉郎又獨來

山頭水色薄籠烟
風景依稀似去年
春意自知無主惜
杏花零落寺門前

新年景象入中年
萬事傷心在目前
不用凭闌苦回首
闔閭城外草連天

聽吹笙

紫篁流響入清秋
綵鳳驚啼月滿樓
一曲天風吹不

斷巫山凝碧楚雲愁

都門春日集句

寒食東風御柳斜多情長是惜年華
灞陵原上重回首十里宜春下苑花

旅次書情

清晨南陌聞雞遊遙夜鐘聲醉五侯
卧病相如甘寂寞西窓風雨茂陵秋

過石頭城

石頭潮落水生痕城下人家柳映門
欲向春風看花去與誰同醉莫愁村

谷口青鞋踏軟沙橋頭艇子載琵琶
春來何處尋芳去看得盧家一樹花

有憶集句

水流花謝兩無情行盡江南數十程
莫恠臨風倍惆悵一場春夢不分明

過烏衣巷

橋下晴波漾淺沙橋邊垂柳帶棲鴉
行人回首烏衣巷一片斜陽照落花

酬蘇雪溪見寄

吳山重疊楚雲低江上懷人醉不迷
遠托遊鱗將此

意隨潮應到石城西
緘書何處託鱗鴻
幾度相思夢裡逢
客况秋來更蕭索
半窓寒雨落芙蓉

寄淮南

江南相望路迢迢
風滿關河鴈影飄
最好鳳凰臺上月
共誰携酒聽吹簫

題琵琶

冰絲彈月夜嘈嘈
三峽秋風捲怒濤
細聽內家供奉曲
不須流淚濕青袍

過許士深先生故居

臺榭荒涼異昔游
笑談那復見風流
秦淮橋下無情水
猶帶寒聲送客愁

舊游即事

冶城東畔舊亭臺
寂寂朱扉映竹開
一樹碧桃都落盡
去年蝴蝶却飛來

夏日久病病中有感

蕉葉垂風拂暝烟
海榴開近曲闌邊
病中寂寞誰相問
十日西窓背雨眠

過桃葉渡

江花含咲欲爭春
江水籠烟柳色新
商女停舟唱桃

葉東風愁煞渡江人

楊柳灣

金縷垂波香霧濃
春風黃鳥畫橋東
多情却笑隋堤樹
長帶淒涼暮雨中

過錦帆徑

錦帆歸後竟誰遊
風景荒涼水自流
回首吳王歌舞地
夕陽烟草故宮秋

蓮塘曉望

西池清露洒涼颺
荷葉荷花影動搖
一片綠雲飛不去
依依殘月下江橋

蘓正

春宮怨

寂寂長門閉綠苔
月明仙漏隔花來
玉階不見君王
輦露井天桃落又開

題蘆鴈

萬里隨陽出塞長
空江菰米綻秋香
蘆花月白啼更罷
啄盡寒汀一夜霜

丹陽道中與沈魯偶題

南去村原綠樹稀
亂山秋色上征衣
車輪聲裡羊腸路
長送行人何處歸

馬遠清溪道士圖

瑤島春風草色青
露華涼沁蕊珠經
洞門深鎖無人到
一曲瑤笙有鶴聽

題扇贈李長年先生

江湖誰識少微星
空向林泉守一經
漸覺紅塵官路遠
西風吟對故山青

寄醉雪

故人何事久離群
只向山中臥白雲
蘿月松風滿窓戶
不教猿鶴怨移文

陳顥

竹石

峩石苔深露不乾
天風吹動碧琅玕
月明昨夜湘江上
何處秋聲度紫鸞

枇杷山鳥

盧橘垂黃雨滿枝
山禽飽啄已多時
那知歲晏空林裡
竹實蕭疎鳳亦飢

林下集句

一庭黃葉掩衡茆
自古雲林遠市朝
何用別尋方外去
便應黃髮老漁樵

山樵

萬壑松聲兩足塵一編殘簡半挑薪可憐愚婦紅塵
眼不識山林有貴人

罷釣圖

擲却綸竿枕曲肱蘆花灘上小舟橫夜深月落棲禽
定一派江聲入夢清

墨葡萄

綠雲架上草龍蟠馬乳含秋露不乾昨日文園愁肺
渴幾丸嚼破庶漿寒

聶大年

雪景

金門画史謝玄暉幾度朝回獨掩扉間對西山寫瑤
樹綵毫猶帶六花飛

雲山

西舍樹陰生淡雲東家花氣鬱晴曛小橋不隔中流
斷山色何由兩處分

清明日與友登寶峰所作

江心後浪催前浪湖上歌聲雜笑聲今日重來多感
慨百年能得幾清明

春日訪侃都綱有感

沾泥柳絮似禪心雲滿袈裟染竹滿林容我山房頻問

訊清香一炷話樞陰

罷釣圖

長江日落晚蒼蒼
輶卷輕緡繫短航
欲寫幽懷何處
好杏花村裡碧醪香

春日陪陳翰林泛西湖

蘭舟輕放浪花微
翠竹陰垂酌酒卮
更待晚涼風月上
此時清味許誰知

松

歲晚貞心只自持
不同凡物媚春時
棟梁廊廟無人識
留待山窓叫子規

小景

江水一川三百里
山頭高聳九重霄
何人獨上扁舟坐
月小天空夜寂寥

竹

楚江曾記泊孤舟
兩葉烟梢萬頃秋
聞唱竹枝人不見
鷓鴣啼斷思悠悠

劉籍

夜渡睦溪聞鍾懷掃月和尚

極愛僧閒不出房
功名勢我一身忙
聞鍾忽憶溪西寺
曾禮元公掃月堂

拈起金花付與誰
銀來端的費鉗
旌柳州會得西來
意欲撰般身第二碑

章珩

塞上曲

烏維烽火報邊聲
士馬初軍右北平
為恐偏裨多嗜
殺沙場高築受降城
貂裘萬里壓穹廬
榆葉飄寒白草枯
聞道渾耶歸首
虜帳前自起殺強胡
元戎燈下看吳鉤
當戶吹笳月夜愁
誰入盧奴破重
壁羽書催起冠軍侯

朔風墜指塞雲黃
滿引調弓射白狼
報尔單于千里
使都門梟首越南王

重過李氏山莊

去年騎馬到君家
曾記春園掘筍芽
今日重來尋舊
約一鞭晴靄落山花

陳讎

題鷺鷥

棲烟宿雨野塘中
淺水蘆花處處同
却憶能言鷓鴣
鳥海棠庭院鎖金籠

過葛嶺懷古

上樓臺湖上船平章醉後懶朝天羽書莫報塞城
急新得蛾眉正少年

去聲圖

微茫烟浪接臨臬幾度斜陽送短橈月小山高如此
夜更無人聽客吹簫

寄鄒直之

惆悵君來不我逢思君吟到五更鍾憑誰記得當年
事好問湖南石上松

送竹西之金陵

十丈樓船似屋寬蔗漿冰簟不勝寒吳淞江上新秋

月愛煞先生倚棹看

唐庠

題仲穆竹

湖洲總管趙王孫玉潤冰清似此君拈出鳳梢三五
葉白鷗波上掃秋雲

蕉萱仕女

羅襪生香踏軟沙釵橫玉燕髻鬆鴉春心正似芭蕉
卷羞見宜男並蒂花

小景

落日青山凝紫烟秋風殘葉鷹來天五湖多少玻璃

水邊處堪留戴鶴船

莫藏

閨怨

雲母屏空怯曉寒
懶臨青鏡舞孤鸞
滿庭風雨無情甚
開得梨花不耐看

青樓曲

平明上馬索羅衣
一入新豐便不歸
不及樓前雙燕
子朝朝暮暮繞簷飛

樓前楊柳映朱扉
欲整殘粧換舞衣
遙見飛塵滿官道
儂家夫婿拜侯歸

岑琬

題雨竹送人歸姑蘓

涼雨隨風灑洞庭
滿林蕭颯送秋聲
夜深聽徹皆腸斷
不獨蘇家弟與兄

別金臺

騷人何事苦長吟
仗劍南還感歎深
郭隗臺高登不得
空懷駿骨價千金

題蘭

葉底東風翠帶斜
白雲根底茁紅芽
山中誰得稱君子
滿地無名野草花

題嚴瀨圖

流落江南老客星
耕雲釣月已忘情
如何又應玄纁
去意得狂奴故態名

錢塘偶成

畫舫行春醉欲迷
湖光好在古城西
不知悞國人何
在楊柳東風鳥自啼

又

烟花零落景蕭蕭
草滿荒山輦路遙
惟有白頭遺老
在傷心不忍說前朝

王淮

芭蕉仕女

軟繡屏風小象林
細風亭館玉肌涼
含情學寫鴛鴦
字墨洗蕉花露水香

贈妓

金蓮移處逗香風
粉頰濃時酒暈紅
見慣若教腸不
斷也應只有杜司空

茗溪書所見

急雨斜風欲暮時
小舟如葉載蛾眉
滿篷浪點如飛
電憐殺桃花薄面皮

南城夜歸

夜靜雙溪水不波滿船星斗壓天河誰家一點寒燈
在軋軋猶鳴織女梭

小画

橘刺藤梢路不分青山茆屋在人群買書欲借東家
地高結松巢卧白雲

蒲萄

玉露瀼瀼秋滿天綠筠架上草龍眠驪珠空掛西風
裏不博梁州窳可憐

丘大祐

采蓮曲

細語呼人遠不聞水光搖蕩石榴裙一身肌骨無多
重欲入荷花化綠雲

百頃荷花一葉舟錦雲鄉裡寄風流同年女伴俱先
嫁滿眼烟波獨自愁

秋日偶成

江城開近白鷗沙簾幙風涼秋滿家昨日隣姬新壓
酒小槽一夜落蓮花

毛女

楚炬烟消玉不焚春風吹落華山雲兩有榭葉秋衣
冷不似掛蘭舊日熏

薔薇蛺蝶圖

晝靜南華夢未蘇歌風翠袖不勝扶多情一點薔薇
露洗出滕王舊日圖

梨花鳩鳥

洗粧春酒滿銀罌人倚東闌月未生莫遣幽禽頻喚
雨好花留得過清明

胡人出獵圖

漠漠龍沙人跡稀黃羊秋雨地椒肥天驕僵卧羶鄉

裡只待胡兒校獵歸

仕女

兩鬢鴉光寶飾添春風只隔水精簾無情昨夜空階
雨洗盡蒼筠葉上鹽

倦繡

兩頰春潮濕粉紅閣針彈雀倚微風丁香氣息無人
識狼籍窓間碧唾茸

客中卧病

一身顛顛客窓中詩伴全疎酒盞空惟有石榴花尚
好一枝能與病人紅

竹石圖

天上仙人弄玉梭
支機山骨隨銀河西
風吹破湘雲影
滿地秋陰月色多

界畫仕女

銅龍漏永燭花銷
江閣生涼月正高
何處琵琶教小
玉內家新譜
鬢輪袍

高房山小幅

晴峰如黛掃青天
豺虎群中地家偏
安得黃茆編矮
屋卷簾相對白雲眠

息齋竹

極愛仙人李薊丘
百年遺墨高風流
霜縑不作洋州
穢寫得青鸞一尾秋

春夜二首

銀餅澆茗漱春醒
倚遍雕闌睡未成
燈火誰家庭院
裡櫻桃花下尚吹笙

香盡銅爐火不增
一床寒被臥春冰
不知明月將人
夢去落江樓第幾層

山水

翠滴松梢雨乍收
山光半為白雲偷
江邊可惜無人
住閑却蘋花一畝秋

佑聖宮謁道士不遇

欲向山中躡鳳翎
桃花洞府隔雲局
西岩流下無人
管借與遊人半日聽

題小景

種木栽芝地不荒
秋空分碧染溪光
山陰子敬風流
在乘醉能來寫草堂

仕女

辛夷花落画闌空
新暑熏人玉臉紅
十二珠簾渾不
動涼風未到上陽宮
絲袖霜藕織仙衣
立近芭蕉怨落暉
踏破綠苔羅襪

冷宮前昨夜有霜飛

汪景暘石屏

崑崗鑿翠兩瓏龍
曾藉天丁鐵斧功
一片青霞以不
動水精簾影隔秋風

苦熱

搖折蒲葵不作涼
小齋如坐甑中央
直思西嶺千尋
雪移置東窻
七尺林
熏人赫日火炎炎
去脚卷衣無處潛
十八封姨渾不
見令人怨殺水精簾

題仕女

紫色羅衣濯海霞
晝眠花底送金鴉
起來調舌教鸚鵡
三唾香噴齒縫花

懷陳竟陵

竟陵雲水縛真儒
坐近棠梨日檢書
拋却當年冷軒
子春風一筋武昌魚

苦熱懷蘭谷上人

祝融吹火蒸青天
江漢如湯日夜煎
想殺道人無暑
地清容軒下竹床眠

秋日懷顏僧官

風引清秋入廡堂
桐陰垂地鶴聲涼
為官不給官倉

祿自種山杭待早霜

因天如寄聲沈啓南

日望江雲臥草廬
烟波無處覓雙魚
高僧相見祇傳
語不寫銀箋小字書

寄館天寧寺二首

寶樹林中避世情
琴囊長掛白雲層
蒲團學得枯禪
坐合作東軒長老稱

茶爐吹斷鬢絲烟
借得禪林看鶴眠
不道秋風何處
起一堆黃葉寺門前

與唐惟勤索紙

魚網無功補蔡侯蜀江不洗薛濤愁教兒昨日繡詩
蘇書破芭蕉數幅秋

天台桃源

烟霞堆裡入青山行盡桃花見玉顏月地雲堦春滿
眼莫教容易憶人間

武陵桃源

清泉白石遠紅塵落盡桃花不換春茆屋烟村雞犬
地相逢都是避秦人

唐廣

戲贈張伯仁陳邦器二才子

白丁橋邊楊柳枝新黃嫩綠正當時重來折入尋春
手不比樊川去較遲

爭剪纏頭賞艷歌熏風日日醉鳴珂紅兒一任閑調
笑座上詩人不姓羅

錦綉山河擁

帝居尋春隨處走輕車青樓多少風流句都向金陵
上書

秋水芙蓉洗玉肌春風楊柳妬腰肢尊前笑展徘徊

拜消得王孫五字詩

小紅樓上沸笙歌滿眼春光艷綺羅坐叱侍二重勸
酒醉看小隊舞天魔

千里尋春入鳳城吟鞭慣向狹斜行風流一見何郎
面張八元來也不生

花間重見董嬌娆十載離愁一旦消多謝今宵天上
月送將清夢過藍橋

宮樣長裙剪綠波新興高髻縮青螺酒邊茶裡幽情
密喚得相思入夢多

陳鑿

紅桃碧桃

誰識江東大小喬香肩齊並不勝嬌新裁雪色輕羅
袖却倚東風拂絳綃

杏花梨花

廬阜仙人滿面紅玉奴無語怨東風洗粧酒盡春應
老夢在四圍燭影中

送錢本深歸四明

讀書未佩黃金印老盡胸中十萬兵今日臨歧倍悵
悵一篙春水送溪聲

雪景

山中白屋住烟蘿江上冰花洒釣蓑
枵腹袁公三日卧縣官不至欲如何

贈陳逸人

醉面微紅髮半星山林高卧養黃寧
老來只愛茆柴酒日日看花上野亭

題桃花鷓鴣

瑤池三月正春酣淺綠深紅雨露含
莫唱鷓鴣新樂府座中有客是江南

姚廷輔

暮春

花氣吹殘草色深一庭濃綠畫陰陰
杜鵑吐盡東風血啼得春愁上客心

期友不至

落花啼鳥滿江村折簡曾招對酒尊
吹斷玉笙人不見一窓明月自黃昏

山水四幅

萬丈晴巒柱碧空野花都占兩前紅
江船載得金陵酒盡把春光付醉中

萬縷晴烟柳色新
生涯都付一絲綸
夕陽坐愛船頭穩
濯盡滄浪兩足塵

近水茆亭竹數椽
闌干橫壓鏡中天
霞光入座青山暮
讀盡南華秋水篇

雲氣埋空晚色寒
白鷺無影玉漫漫
溪翁猶占魚梁坐
滿袖瑤花把釣竿

寄弟翻

黃耳無聲信杳然
幾回吟斷鶴鴒篇
明朝風雨西窗夜
來約菱花共被眠

子昂竹

吳興學士趙王孫
袖裡霜聲

春掃得湘筠
刺高

葉清風千古滿
乾坤

荷花小幅

太華峰頭水氣浮
玉盤搖影落滄洲
不知誰剪江娥襖
狼籍紅雲幾辨秋

觀梅圖

風颭樓閣作曉寒
霜華吹滿石闌干
把杯獨對梅花坐
醉吸清香入肺肝

松圖

乘龍垂影玉亭亭
亭帶得徂徠露氣青
夜半天風雲外

起怒濤如翠峯滄溟

小景

翠滴松枝雨未乾江風吹入面皮寒扁舟掛得青油
幙滿眼春山倚棹看

竹鳩圖

風入簷簷萬玉斜一簾晴影綠雲遮山禽且莫頻催
雨明日城南約看花

扇面

兩屐春雲踏白沙抱琴千里入烟霞青山回首茫茫
外一片斜陽照落卷

懷悅

客中九日

青山千疊倚江樓紅樹殘陽總是愁種得黃花渾不
賞今年閑却故園秋

清夜聞笛

銅爐風淡篆烟斜月色紛紛遍海涯何處笛聲吹不
斷江天一夜落梅花

春日睡起偶成

春來無處不芳菲門掩紅塵過客稀啼鳥數聲驚夢
破一簾香雨畫雲霏

織女詞

一歲青鸞絕好音
金梭織斷別離心
天河有水三千尺
不及相思恨氣深

秋江獨釣

蘆葦吹花八月秋
碧湖天影鏡中浮
釣魚人在西風裏
滿面新涼看白鷗

春怨

寂寂春寒壓夢魂
梨花夜雨閉閑門
別來多少紅冰筋
盡作香羅袖上痕

席上贈妓

玉臉生潮酒半醺
回風吹皺綠羅裙
相逢一笑休回首
畧許樊川識紫雲

東山見月

沽酒寒窓太白浮
月華雲影兩悠悠
夜深獨坐江樓上
因聽笙聲忘却愁

荷苞白鷺圖

風外輕飄頂上絲
藕花香裡立多時
游魚不起秋塘晚
啄盡青萍不濟飢

遊道院

寄跡烟霞即是仙
青精飯熟可延年
碧桃開遍春長

在壺裡原來別有天

白蓮

白蓮開遍玉無瑕
月下看來不見花
昨夜凌波仙子
過幾雙羅襪墮青霞

紅蓮

小橋流水淺浮香
灼灼仙葩照夕陽
萬片紅霞都剪
碎西風零落水雲鄉

湖山寓目

綠樹春山屋幾層
峯堯天際可人登
白雲堆裡前朝
寺醉筆題詩記昔曾

次蘇雪溪韻

江湖千里與雲遊
隨處題詩得暫留
昨日倚樓凝醉
眼青山遙落鴈邊秋

題平湖秋意

樹色蒼蒼隔暮雲
鑑湖風定水無紋
何人正把船頭
酒坐對蒼空數鴈群

美人秋臥圖

倚窗晴日午風微
胡蝶偏從夢裡飛
冰簟銀牀眠正
穩巫山近日雨行稀

春江獨釣圖

春水湖頭小棹歸
綠楊如線拂漁磯
夜來留得陶尊
酒一曲滄浪醉夕暉

春閨怨

庭院春寒花未開
羅鞋踏破綠苔流
鶯先在櫻桃
樹啼得離愁月下來

題畫

水泛蘋香雪滿洲
漁梁平處浴群鷗
半醒半醉扁舟
客載得南湖落日秋

漁樵問話

生計綸竿與斧斤
相逢且共話斜暝
掛蓑未釣鷗邊

雨弛檐先分澗底雲

春山雨霽圖

千山翠濕雨新晴
烟霧茫茫草樹平行
客不知春早
晚杏花風裡聽鳩聲

溪橋晚眺

一派春光望眼餘
綠楊亭館是誰家
相湖千頃連天
碧都付漁舟載落花

牡丹

百寶闌邊錦作堆
歌鍾來賞費春醅
向陽亭館東風
早不必花奴羯鼓催

登城望鴛鴦湖

一上高城思不群，東風吹面洗餘醺。
紅舷烏榜春湖上，多畫銀筵入暮雲。

過相湖

扁舟飛出相湖東，花片紅穿樹底風。
纔聽前村鳩喚雨，斜陽又在暮雲中。

春興

花氣薰人似酒醇，東風隨處掃香塵。
不知画舫琵琶月，載得南湖幾度春。

七言古詩

李孟昭

遠別離

舊別離新別離，人生別離無定期。
前年郎遊蜀山去，今年又客黃河西。
黃河之水直向東，海流滔天捲地無時休。
不洗人間離別愁，蜀山崢嶸險而固。
六龍回日車，猿鳥六難度。不斷人間別離路，別離之情良可傷。
白日苦短關山長，關山長白日短。鑿山填河河又滿，河又滿愁難平。
妾顏未老郎無情。

題天山枯木竹石

龍虎真人張鍊師麾斥八極乘氣機有時騎龍入瀛
海拾得翡翠珊瑚枝歸來揮洒一斗墨寫出瀟湘煙
霧姿靈媪鼓瑟老蛟舞帝子吹笙丹鳳儀兩窓見此
三髮竦恍惚元氣猶淋漓但恐六丁驅雷破壁來下
取等閑不使常人窺

題龍舟圖

搏桑瀚海無驚波汴渠之水通天河樓船萬斛龍驤
舉翠幕珠簾圍綺羅中流簫鼓發棹歌噴濤激浪如
奔梭水邊臺殿望來久揭天人語歡聲多拂堤楊柳
黃金色鶯啼燕語春風和春風秋月樂未極回首落

日西山阿落日西沉水東逝人生不樂將如何

驄馬圖 為楊繡衣賦

青驄馬騏驎姿天生骨相六權奇春風為鬃霧為鬣
五花滿身雲陸離青絲絡腦黃金勒紫陌騎來動秋
色五陵俠少不敢看知是霜臺綉衣客繡衣客真俊
髦胸中冰鑑明秋毫據鞍已使豺狼避按轡寧容鴟
魅逃丈夫得志有如此耿耿丹衷報

天子乘駟事業古猶今會見芳名播青史

春山行樂圖

山人愛山復愛畫一筆掃作春山圖春山行樂在何

靈虎林城邊西子湖十里水光天鏡落六橋草色烟
絨鋪紫騮俠客錦半臂長鞭褭斷青珊瑚篴笛短簫
催落日醉後耳熱歌嗚嗚東風滿面吹不醒狹斜一
咲青蛾扶人生得樂不可失何必乾沒青雲途高堂
看回囊長歎為君倒盡青絲壺

題画

飛花入簾宮漏長游絲落絮春茫茫金鞍駿馬青絲
勒綺閣小姬紅粉粧黃金作丸落花底啼鳥隔花飛
不起明朝更欲載東風早買樓船放春水

李孟璿

獨漉篇

獨漉獨漉愁人心泥水没人濁且深明月不可見明
珠那復尋昨夜床頭三尺鐵羅鞘時驚吼嗚咽父仇
未報恥未雪休論明珠與明月犀象不須斷蛟鱈不
須剪與仇戴天古所戒獨漉獨漉君當勉

坦然老人歌

坦然老人真坦然不求才行人間傳不賦蜀道難懶
和滄浪篇送窮乞巧皆無言坦然心地何所以皎皎
白日懸秋天桑麻田松菊園乃在武林之北清溪邊

傍溪茅屋只數椽
兒出耕常乾乾
閑即飲醉即眠
兒女嬉笑南窓前

皇天平平無黨無偏
坦然老人真坦然
我欲移家相近
時周旋與爾
含哺鼓腹歌堯年

烏夜啼

烏夜啼向何處
啞啞繞妾庭前樹
天涯遷客天應憐
烏亦有情啼不去
定知明日

天恩到天遣啼烏
夜先報烏兮
從爾啼爾知
妾苦為妾悲
妾手促寒機
織錦製郎衣
衣成寄遠道
願郎衣著蒙恩早
郎衣錦歸有時
爾烏長宿庭前枝

姚給

秀水春帆卷

送陶伯鑑之京

秀水東風春拍拍
綠漲葡萄萼
艷行色春帆一片雨中
飛蘭舟遠送朝

天容此容義高誰敢攀
黃金不博平生閑
鑿池引水看明月
移石和雲堆
泰山風流迴出豪家
右常曲看花金谷酒
萬卷曾收架上書
五株還種門前柳
此去乘風觀帝畿
花明劍珮曙光晞

天顏咫尺瞻來近
携取爐烟兩袖歸

春閨怨

春閨無人春日長鶯聲恰恰啼垂楊美人睡起倦梳
洗芳容嬌褪梅花香綠雲鬢髻釵半髻蛾眉蹙處閑
愁鎖繡奩塵掩秋月輝口脂紅淡櫻桃顆玉筵何處
吹伊涼紫騮驕嘶隔粉牆停針懶刺雙鴛鴦倚闌躊
躇空斷腸守宮點腕紅凝血一寸芳心萬愁結宜男
正開郎不歸東風滿地梨花雪

高山圖

哀泉漱澗癡龍泣恠松挾風凍蛟立翠濤一片落晴
空金粉飛蒼香不濕斷崖削出翠重重似隔人寰無
路通其中人物異朝市蹙眉鶴髮秦時翁一翁拂苔

憇磐石一翁低坐松根側笑談亶亶不知疲願指山
童束書冊兩翁度橋步遲遲芒鞋躡雲詩卷隨放浪
高歌紫芝曲麟鳳不受人間羈吾侯此圖誠罕得半
幅生絹百金直誰從黃綺識風儀幸藉丹青寫遺跡
遜世無心謁

帝關采芝甘分終商顏如何不悟留侯計却被玄纁賺
出山

贈許復初琵琶歌

姑蘇許君抱奇質牛角聰明解音律扁舟汗漫江湖
游北曲琵琶推第一昔年觀光上

京師挾取紫檀槽自隨五陵豪俠知姓字下榻款留惟
恐遲相携秦樓醉蒼柳紅袖兩行爭勸酒轉軸撥絃
方欲彈忽見君彈皆縮手梨園子弟徒紛然以師事
君君始傳綵繒錦段競遺贈春風滿載東歸船歸來
解后汾湖見陸友蘭家共華宴咲殺潯陽江上姬抱
得琵琶半遮面青絨織條斜搭肩象牙作軫鷓鴣絃
緩彈微音度十拍急彈大聲驚四筵一聲梅花落香
雪兩聲箏馬敲風鐵三聲鶴唳青田雲四聲龍吟滄
海月五聲冷吟青平子曲澗聞哀湍六聲鐸鏘
雜虛籟似鳴七聲八聲毛髮立露寒雲

表銅盤濕九聲連十怒濤翻驪珠滿把鮫人泣曲終
擊節更高歌響遏行雲月在河座客聽來歎雙絕痛
飲不惜春顏酡酒闌漏盡東方白別去幾年無信息
竭來忽下鴛湖風知在竹坡高士宅相逢又別情不
堪一棹分携夏蕩南不學江州白司馬詩成揮淚沾
青衫

山水画

雲溶溶山重重連峰起伏如游龍石梁跨澗形穹隆
飛泉百尺懸玉虹泉聲響答松杪風松花落粉香濛
濛紫芝瑤草春茸茸絕境似與蓬萊通松間磬磳三

老翁蹙眉皓首冰雪容兩翁對奕爭機鋒一翁嘿坐
神自融東來一翁攜短筇小童五尺挾焦桐此圖點
染真自工筆意彷彿前人蹤我生深幸逢時雍髮已
種種心猶童宦情非無才不充甘作識字畊田農今
朝見画興即濃頓覺爽氣清雙瞳何處有山如画同
願移巾舄居其中

胡人出獵圖

黃榆白葦秋騷騷馬上北風如怒濤胡兒拍馬能厲
橐沙磧飛來塵滿袍踏雪下坡命擲毛妖狐狡兔不
可逃歸來一醉澆作醪胡鷹尚繫青絨條

沈愚

房中曲

歲蕤繡帳垂蘭堂湘簾搖月緞鬚光象床塵汗鴉頭
鞞雲鬢釵橫金鳳凰杓欄深鎖鴛鴦窻翠被生寒愁
兀兀玉奴夜搗紅守宮春風染透桃夭骨蠟燈懸影
映窓紗青絲嘶騎不歸家琵琶撥盡相思曲楊柳籠
門啼乳鴉

白紵歌

柳腰雲鬢如花女飄飄長袖隨風舉且停綠水歌白
紵急管繁絃雜宮羽姑蘇臺前秋夜長星漢低垂明

月光金盃高燒蘇合香君王酒酣情未央銀燈相照
歸蘭房

貝宮人詞

水晶宮闕高嵯峨
驂車海馬揚洪波
追呼江伯招湘娥
鐙玲環珮襟鳴珂
長眉闔月顰青蛾
小鬟進酒擎金荷
笑回玉頰生微渦
紫鸞翔烟翠蛟舞
陽侯吹笙擊鼉鼓
東方龍君嫁龍女
萬頃桑田起風雨
幽蘭凝香啼霧渚
九節菖蒲酌靈醕
千年骷髏作人語
石郎寄與相思書
春心遙憑雙鯉魚
阿姬答贈雙明珠

吳娃曲

海棠含愁泣春雨
弱柳垂烟鎖金縷
東風裊裊吹晴絲
雙燕飛來向人語
西鄰小姬年十五
細骨輕軀學歌舞
將身嫁與遊冶郎
無奈花前別離苦
琵琶撥斷鷓鴣絃
玉釵擊碎鴛鴦股
低眉斂恨對銀缸
紅粉樓頭月當午

莫愁曲

光風轉蕙吹幽香
遊絲薄霧春茫茫
百壺綠酒勸郎飲
多情誰似盧家娘
明珠雜珮聲玎璫
鸞裙鳳帶芙蓉囊
蛾眉八字寒翠感
星眸兩點秋波光
楚腰衛髮桃夭粧
敲金戛玉歌新腔
牽雲曳雨歸蘭房

大堤詞

妾家住近橫塘隅，鴛鴦紋繡紅羅襦。蛾眉淡掃遠山碧，耳瑤低垂明月珠。蘭風吹香大堤上，柳絲搖金花。作障玉壺清酒波，粼粼鯉魚尾。雜猩猩唇艷，歌宛轉。凌流雲，勸郎徘徊留好春。好春不留愁，殺人。

勞勞亭歌

青春送別勞勞亭，柳枝縮霧春冥冥。美人彈箏勸郎酒，傾盡沙頭雙玉瓶。車行馬馳疾如電，東飛伯勞西飛燕。歸來紅泪濕殘粧，白團半掩桃花面。

蘇正

題姜碧林所藏董羽畫龍

天池昨夜飛霹靂，烟雨濛濛迷七澤。數聲鶯起老龍眠，捲起銀濤向天立。金沙灘上露竒形，靈鬚獵獵腥風生。雙瞳如虹射海日，鱗甲錯落光縱橫。蛟夔仰視，雖龍小變化，由來向雲表。萬里飛騰勢莫當，瞬息層霄迤如掃。董君誠妙手，寫出真絕竒。想當盪礪勞意，匠墨花落筆光參差。老龍行雨倦，且伏小龍。樞寒初學飛，徘徊相顧有真意。回圖彷彿傳天機，頭角崢嶸何天矯。飛躍偏能順天道，何當吸盡滄溟波。遍洒乾

坤澤枯槁

擬車遥遥曲

車遥遥向何處秦山蜀道行路難欲挽郎車不能住
郎心重利多薄情閨中愁對月華明妾心願似青青
草到處相隨轍迹行

擬白苧詞

銀河帖浪涼雲開明月影逐交疏采吳姬秉燭夜剪
裁官家明日宴高臺高臺有女顏如玉錦作圍屏金
作屋年年歌舞樂繁華猶恨西飛紅日速裁成試舞
春風前感霜迴雪輝華筵酒翻塵汗不自惜一心但

欲官家憐却思貧女初織時千梭萬梭愁淚垂

夢中謠和韻

素絲牽恨寒聲歇冰簾懸愁浸微月
畫屏金鴨香濛濛錦帳流蘇恹離別
千金買歡鴛枕邊孤魂怨入參差
絃梨雲壓夢飛不去嬌鶯愁語珊瑚
烟玉釵敲碎芳心亂軟綠媽紅羅相
見舞衣香減不勝春相思鉛淚凝歌扇

山水圖

群山龍嵒映天起黛色朝來淨如洗
長江一帶平不流咫尺蒼茫含萬里
紅樹江寒易得秋幾家茅屋隱

林立鳥邊古剝籠烟暝風裡孤帆帶月流懸厓絕壁
蒼苔路飛瀑潺潺捲寒素近浦漁婦落照斜隔溪樵
唱烟光暮林下有人開竹扉新橋流水客來稀白頭
坐老江山景却笑紅塵未拂衣

題松泉竹石圖

君不見蓬萊山蒼松白石盈其間上有凌霄挺翠之
竹影搖曳下有盤渦觸石之水聲潺湲紅雲紫霧相
掩映金芝瑤草同爛斑山中仙人引黃鶴碧瞳綠髮
桃夭顏宴罷時來翫其下天風吹髮何蕭洒數聲靈
籟澗邊鳴一派驚濤月中瀉石泉流出光如脂血凝

瑪瑙含清輝掉尾蒼虬蟄初起刷毛么鳳嬌難飛咲
把瑤琴促三弄洞口蒼枝醉春重白雲如水天際來
驚醒洪厓不成夢閑來濯足弱水流馮夷股堞天吳
愁甕裡松花釀初熟石床一醉三千秋夏君自是瀛
洲客目覩蓬萊纔咫尺華端彷彿傳天機生綃乳洒
金壺汁高堂粉繪寧可數碧海三山渺何所此日披
圖叢浩歌醉中賦筆凌鸚鵡吁嗟此画貴莫酬琅玕
玉樹珊瑚鈎還君不覺三歎息掀髯一笑蓬山碧

送杏莊吳孟瑜還雲間

酌君以玉壺之美酒贈君以雲錦之新詩酒澆胸次

之磊砢詩寫身外之歡歎天涯同是飄零客一咲金
陵偶相識交情何啻弟与兄無日論心不分席去年
送子歸故鄉揚卷飛雪風悠揚底事今年又別君落
花滿地紅紛紛和烟折柳都門道携手春風談不了
匆匆歸興不可留離別空令惡懷抱我欲為君扶劍
斫地歌歌聲激烈愁轉多又欲為君抱琴橫膝彈知
音去後同誰歡不如典衣沽酒重與酌忘形且盡尊
前樂今朝席上猶綢繆明日相思兩窳廓子歸去宜
早來相期射策黃金臺致君堯舜摠奇才慎勿卧老
南山隈慎勿卧老南山隈

陳顥

題杏花脩竹翠禽圖

鴛湖雨香春正濃杏花作陣迷東風乍看月色照霜
白熟視酒暈上潮紅一枝兩枝亞脩竹千朵萬朵炫
人目何處飛來雙翠禽粉香深處踏烟宿君不見羅
浮山中殘月昏綠衣惱客消吟魂何如此卷對君子
坐令清氣充乾坤

雲山高隱圖

遠山淺淡鐵眉綠近山濕翠如膏沃西風作寒呼雨
收雲氣堆成白銀屋幽人斂迹松雲巢蒼藤覆木蒼

烟飄村近時聞鬧雞犬煙深不見歸漁樵蔓草結茵
春滿麓暗泉瀉岩聲碌碌太白舊隱在廬山司空今
住王官谷讀書養道不外求飲水飯蔬良足謀平生
我六慕肥遯烟霞每欲尋丹丘高軒畫圖雲一幅萬
里乾坤渺雙目有山如此可卜鄰擬結茅茨謝塵俗

題三友圖

巨鰲戴山山勢高堆銀湧玉千層霄下有寒梅落香
雪上有恠松掀翠濤是誰對此發深省醉筆一掃玄
雲冷移來素華千尺龍分得湘雲數竿影君不見桃
花紛紛爭聚首不識冰霜有三友

漁舟對飲圖

碧山雨過秋色淨大江風恬水如鏡何處阿翁雙鬢
絲笑傲江山發幽興青楓渡口生夕烟舉網得魚魚
亦鮮一壺春蟻瀉欲竭月出未出天蒼然醉來忘却
人間事長嘯清風滿天地君不見邯鄲道上車輪忙
役盡機心為名利

蘇平

賞牡丹

細雨吹香散紅影花枝倚闌如睡醒
畫樓楊柳搖金絲嬌燕窺春晝方永
東君昨夜施天工一枝開到繁

華叢國色天香世無比群葩不敢爭春風輕暖籠烟
照晴旭婀娜真妃初出浴卯酒微酣猶未消絳綃輕
掩胭脂玉堂中高人列仙子愛花直欲同卷語長日
歌鍾賞好春花下清尊為老舉數聲羯鼓催飛觴酒
闌一笑情茫茫饒籌交錯恣歡譁共將醕酌酬花玉
轉眼流光急於箭不惜千金買佳宴歲歲看花到白
頭未與花神作老春

丘吉

陳廷和極若軒

四水射城城腹穿孤山頂天天脚懸波光洗春作翡

翠嵐氣吐曉為青蓮陳家小鳳妥紅尾栖穩烟霞飛
不起補巢啄破滄海吭翻身撲斷崑崙耳書簾薄織
冰玉絲碧雲漏影涼參差江妃染衣送藍葉馮夷搗
藥調松胎鳳兮鳳兮河東薛研史覃經飽冰雪忽驚
羸女一聲簫山城夢醒梧桐月

夢鶴軒

為張子靜賦

枕凹一竅瑪瑙空吟魂飛入壺天中西堂春老草烟
碧夢臺雲歸花雨紅胎仙呼出滄海月三珠樹杪星
河列天風滿背笙聲涼山經兩耳香烟熱不藉玉手
韓兒搖身如胡蝶同飄飄去壁一棹擊空水揚州萬

里纏錢腰覺來露白松牕曉雄雞一鳴若花老編袂
玄裳何處歸蓬萊翠出青天香

鴈門太守行

妖虹吸湖湖欲乾旌旗搖地龍蛇寒吹蘆擊銅風為
酸麒麟三剖何時完青娥粉頰芙蓉落鼠雀羅空天
寂寞獨抱蒼龍泣莫雲紛紛青血飛山郭

浩歌效李長吉

業風吹海波作塵桃花幾落瑤池春昆明劫灰千度
變彭生喬死車迴輪帝遣玄夷剌禹穴神書一發天
機泄媧皇煉玉烟霞紅星旋斗斡圓無闕吳姬鉞東
生紗裙胭脂水染紅花雲長生木瓢順天性英雄滿
眼徒紛紛原也何醒伶也醉銅龍水咽銀蟾墜風流
蜀柳張少年須臾白雪生華顛

松菊軒蘇東衡尊翁也

馮夷踏破海底天七鬣蛇母飛蒼烟洪崖飽飯鍊老
髓瑤池飲水延長年南陽節華骨半文紅日流精久
滋長蜂黃洗開玉女顏胭脂滴碎仙人掌生來不見
帝主人風流識得眉山孫細花浸粉麝香注落英剪
金杯灑吞避名茆結打頭屋影作輕雲染窓綠頽然
醉熟重陽秋咲掬涼風洗雙目

和梅花道人墨菜韻

玉貌毛冷玄雲濕寒光掃電山靈泣須臾秀出春一
根山烟染作青瑤色詩翁齧齋如齧鹽不費日萬何
曾錢侯鯖錄上無饒涎老牙不與猩唇便信民何必
專注年百事可做吾當前

江南怨為夏廷璧賦

一真珠買春春正青花魂結夢東風靈天桃一葉渡江
水五色綵雲飛不起綠香斗帳吳綾寒芙蓉不合鴛
一鴛歡倚遍六闌春不見多情番作江南怨

蔡文姬歸漢圖

中郎得女如得子青瞳流光剪秋水綉轂乘龍花燭
中玉笙吹鳳紅樓裡海棠一夜埋腥烟洗朱滌粉重
移天宮衣剪毳白狐煖玉脂泣血黃羊羶阿瞞謀踵
中郎後綉衣一騎黃金走悲笳蘆叫生南音胡鷄一
雙落纖手銀鸞滿馬馱春嬌袖梢冰筋東風消歸來
秋雨赤龍化天涯回首愁雲飄

雪溪

一北風吹天天作寒端蒼攪地春漫漫神刀剪碎白鷄
羽天帚掃破梨雲團鑿玉作溪淨如洗凍壓長蛟飛
不起萬家雲合茶煙低兩岬冰深綠波死溪中小棹

橫簷樓豁翁吟有
高擁頭茆柴獨醉
瓦盆底清寒不
入羔羊裘

呈岳府公

萬丈焰光燒杏花
宮壺賜醉紅流霞
衣上春雲臥金
鷹臺端夜月飛霜
鴉忽剖麟符出
鳩鵲保障東南天
一角朱輪碾碎妖
塵痕青霄垂下陽
春脚嘉穀滿野
村有春山川槁木
生華風廉牧皆推
黃次公台星早
照薇垣東

題懷鐵松雪艇

乃水亭名也

伐木縛椽低作屋
粉素重塗光奪目
不寬不窄如野

航一天白雪寒蓬
覆鴻濛凍合無纖
痕夢魂飛入梨
花雲重甕無風起
塵垢玉壺有地藏
陽春日倒銀罌
吞綠蟻醉倚闌干
俯春水眼前舟楫
如梭飛世事茫茫
歎何已

岑琬

思親詞

朝思親思親垂涕
淚暮思親思親形
夢寐夢中相見
猶平生覺來無處
聞音聲承顏問寢
竟無日天荒地
老魂冥冥慈烏再
啼月未落庭樹欲
靜風愈惡

滄洲聞鶯懷感學正桂運同二首

我有友生在滄洲思之不見心悠悠木蘭為楫沙棠
舟南來鼓棹乘中流嚶嚶好鳥如相求載飛載止鳴
不休願以盟言結綢繆為余一洗萬斛愁何以報之
青琳球

我有故人在長蘆思之不見歲云殂昔從青瑣陪追
趨今日雲霄隔泥塗故人存學為真儒故人令譽達
天衢願借餘力為吹噓斗水活我涸轍魚何以報之
紅珊瑚

三洪歌

昨日過徐州洪篙師數錢傭水工水工住近知熟路
手把長篙引船去船頭浪激如屋頽船底石鳴如殷
雷東撐西拄招且呼水工視之猶坦途我時舟中么
不懼安危任天天有數今朝過呂梁口娘娘在先呂
梁後湍驚石狠百倍徐仍傭水工防不虞水如灑瀨
堆石似攢劒戟䟽鑿到今平未得水工受傭還盡力
重險穩經繞一息乃知水工捷有神篙師鄙夫能委
人可憐男兒懷利器自學操舟翻敗事又如即鹿無
虞者惟入林中不能舍今觀水工導三洪得無感慨
橫心胸後茲客行不畏水石惡惟惧人心難測度

春晚曲卷朱中書與誠

東君欲歸風雨急滿地斑斑落紅濕美人對此惜芳
華小立閑庭獨含泣鷓鴣慵語蝶慵飛酸心暗逐青
梅肥麝臍龍髓久窈冥未試囊中文綉衣逝水流光
鳥過目蟬鬢蛾眉豈長綠紛紛愁緒亂於絲翠袖無
言倚脩竹

劉稽

風胡子鑄劍歌

鷓鴣血濃電光紫劈山斧折巨靈死山鬼無功歐冶
愁精誠盡屬風胡子混沌竅破噫氣通太白埋伏金
在鎔二龍躍冶現光恠兩劍出世成雌雄軋剛坤柔
羅紋脉天然至寶盈三尺淬鋒直取銀漢水礪鏑要
待媯皇石翹魍魎鯨鯢遠遯巖琤琤時時留尚方豈獨
衛身呵不祥可以正國扶綱常縱使有時遭晦蝕古
獄秋風土苔色神物精英終不凋延平風雷生頃刻
乃知古之造化手能奪乾坤五行秀蒼天可補山可
平人世諸難更何有風胡風胡爾術正且奇此心洞
見天地機自從鑄罷雙龍劍中國真安朝四夷

章文仲

巫山高

巫山高巫山長群峰四面起壁立萬仞強飛泉落雲

破屋石巨木夾道啼豺狼中天孤高不垂地白日卓
午如夕陽再說巫山高重憶巫山長容行不樂遠攬
轡沾衣裳

君馬黃

君馬黃臣馬玄君馬奮飛臣馬前東為齊魯西秦川
南有荆楚北燕然臣馬哀鳴失中道四郊衰草生寒
烟君馬去已遠臣馬不能挽懷君心徬徨日暮仍在
坂

王淮

望雲卷

翹首復翹首瞻彼山上墳不見山上墳但見山上雲
山雲悠揚無定據偶向雙親墳上住紫蓋高籠翠柏
梢白衣閒掛青松樹晚向岩前趁鶴歸朝來洞口後
龍去瞻白雲念雙親雙親去予知幾春泪帶白雲落
心逐白雲飛白雲白雲若有知也應為我含憂悲

唐廣

寒夜與王栢源話別

月鈎飛光入簾幙凍露作霜削祿薄紅爐坐擁紫貂
裘銀燭花前傾鑿落四明仙子詩中豪咲談舌上翻
波濤明朝長嘯出門去海天一鶴孤雲高

題紅梅

編衣素質羅浮玉一夜東君換粧束
胭脂肌肉映生綃桃李麝踪海棠俗
初疑仙子萼綠華乘鸞下降羊
權家珊瑚如意紫玉節擲米滿地成丹砂
又疑阿母承華殿武皇一笑陪春宴
侍兒偷吸紫霞漿醉痕煖透東風面
漁郎錯愕劉郎猜武陵有地非天台
碎錦坊中向誰得定惠院裡何年栽
我住江南見來慣坐對蒼枝發長歎
世途賞鑒苦無多正色真香詫妖幻
居然難奪堅貞節傑立空山獨高潔
請看綽約群芳中誰及朱顏傲冰雪

岳府公五馬圖

垂楊翠裊風條長細草綠染烟痕香
太平駿骨不足用東原散牧春茫茫
策前一疋青霞色三駿剪出刃痕密
渴鳥昂首勢如飛奚官緊頓黃金勒
中間二疋鬻且行雄姿俊叢見者驚
血吻嘶風虎豹怒鐵蹄蹴霧蛟龍爭
後來二疋竹削耳款款行來落花裡
足線光搖白雪毛一塵不動烏絲尾
渥洼異種曾空群翩翻五朶飛晴雲
何人吮毫得天趣風流絕勝曹將軍
戟枝高揭凝香閣神物通靈欲騰躍
明朝陌上駕朱轡誰道君侯非伯樂

張淵

愛雲

西山爽氣來拄笏心神開龍騰席變一日千萬狀銀
河錦綉天孫裁太乙宮中補龍象玉宸君畔扶瑤臺
為國靈管節乘風下蓬萊去霞城頭化甘雨洒掃吳
越無塵埃旱火不光天不災萬民鼓舞聲如雷長願
從龍上下八方去濟時大展波瀾才

賦得浙江秋濤送別

秋風吹乾尾閭穴霹靂一聲鼙鼉足折扶桑枝葉萬里
長日晏跋烏口流血天吳九首搖冰山蜃樓出沒虛
無間乾坤怒氣魚雄壯百川波浪俱西還水犀暗發
三千弩白馬回鞭仆旗鼓吳兒踏浪愁海翻龍子含
珠向人吐螭頭小舫浮青冥萬壑笙鍾天上聽醉倚
柁樓身欲羽蓬萊一髮烟中青

子母雞圖

青春日煖蒼陰移家雞子母相追隨母口有粟吐不
食但願兒身脂且肥兒腹飽母腹飢一生辛苦將奚
為明年羽翼欲飛去那記如今含哺時

烟水村居

煙蒼蒼水茫茫幽人住屋烟水之中央日出無光曉

簷白鳥飛不到秋天長冰綃一幅織銀漢驪珠萬斛
輸龍堂倚闌咲見百東坡化身一一芙蓉裳賞花釣
魚掃地燒香浮以太白養以中黃新詩凌鮑謝清夢
到羲皇嗒然隱几不知我孔丘盜跖俱亡羊君不見
蟻蠓紛紛爭日夕一心死嗜紅塵場安得知烟水之
家無何鄉

鳳將鷓題魏冢宰得孫卷

君不見鳳將雛鳳得鷓將鳳不孤鳳有德在後天生
尔鷓絕代無日月照曜文章軀朝食青琅玕暮立紅
珊瑚春霞滿背出丹穴若花映海啼跋烏日長羽翻
不可鍛意氣直欲吞江湖乾坤有時泰草木有時蘓
鳳將鷓遊天衢鳴聲上下連即都十二樓頭銜瑞圖
君不見鳳將鷓

送神樂宮楊道士教郡庠樂回

金陵道人登鳳臺青霓扣額呼天開鴻籠玉狗鳴石
鑰傳得雲璈入神樂吳興太守束帛飛萬里雲霞吹
滿衣騏驎鞭過五湖水杏壇一日生光輝拍下陰陽
勞摸索韶濩分明歸徵角回琴點瑟天機張鳳舞龍
飛海波作大成一曲聲未終神出鬼沒雷電從道人
揮手謝皂蓋翩翩晞髮扶桑東夢鶴江湖漚起滅聽

姑啼松蟻投穴試問、有康學養生石髓何時遇王烈
陳韮

贈沈惟靜三史

先生筆力挽萬牛江山寫出胸中秋醉來洒墨不停
手頃刻白雲如水流滄洲白石漁樵路東抹西塗有
神助試將工拙較前人不使高商稱獨步

唐庠

呂山花園池亭

靈菴馱山出平地光彩玲瓏形巋負蓬萊失却左股
青廬嶽分來一峯翠清池玉粲月影圓玲瓏十頃玻

翠烟玉女梳頭落明鏡山童洗硯迷青天鶴汀高處
開亭館一片春風沸絃管梨巷雲淡綺牕虛沉水香
清金鴨煖我來一嘯烟霞層魚龍躡躍猿猿驚始知
仙境在人世題詩欲喚安期生

姚廷輔

夜聽讀書

明月如練秋窓寒北斗垂柄橫闌干鄰家少年夜讀
易吾伊不歇銅荷乾手弄牙籤翻錦帙咳唾飛珠神
鬼泣坐來近戶正琅琅夢覺隔籬猶噫噫人皆聞此
心蹙然我亦聽之欣不眠家有是聲良不俗画樓鼓

樂徒喧闐

春日與懷鐵松遊鴛鴦湖

鴛鴦湖上春波平鴛鴦飛入菰蒲鳴秀州女兒肌骨
輕蘭舟蕩風身欲凌画船有客雙瞳青把酒聽歌勞
目成何人打鴨鴛鴦驚春雲水郭花冥冥落日催空
春一罌誰家綺閣猶鳴箏

春夜吟

金鴉無光蟾欲生十二小簾卷影橫銀缸火底玉蟲
落瑤笙竅上青鸞鳴寶鴨灰紅檀火熱侍兒咲脫羅
裙摺秋千庭院靜無人杜鵑枝上猶啼血

懷氏壯菴園宴集

移石疊山雲有根鑿地作池泉不渾闌干倚紅花散
影堦面掃綠苔生痕行厨送酒客滿席簣管翠滴羅
裙濕我生願醉不願醒莫使日駒空過隙

陳壘

西翠樓

日射金天紫霞煖滄溟背去蓬萊遠百尺高樓起碧
空水玉玲瓏小簾卷碧紗窓戶開烟蘿白雲飛散青
山多大峯舞落紫塞鳳小峰抹出波斯螺太白老仙
面紅玉雲中咲坐蒼毛鹿相約盧敖作勝遊長向瑤

池漱芳醪歸來沈酣呼欲醒
鬢鬢亂髮摩雙睛夜深
招手喚明月口吹鏡笛蛟龍驚
露洗松筠濃欲滴藍
汁染雲容帳濕天際朝來
爽氣多柱笏時時看秋色
廣陵月色

影波軒

錦帆一落東風裡萬斛螢光飛不起
冰輪輾破瑤天
雲回首長空淨如洗詩仙酒酣吹玉笙
天女夜深蒼
下聽曲終白鸞忽飛去二十四橋香霧生

聲上一間塵沙水中天五夜星河盡
搖蕩鴛鴦瓦
魚鱗齊芙蓉綵幙鷓鴣飛紫檀火活
寶鳧煖方諸水
滴銀蟾飢菱花磨秋二千頃月明照
見魚龍影陽侯
曉踏玻璃翻鮫人夜泣珠璣冷我來
日日傾流霞坐
看鯉魚吹浪花雲
蒼蒼近碧窓舞興酣欲上黃河槎

春夜曲

杜鵑枝上啼紅血
不羨簾底飛香雪
二八佳人錦綉
襦翡翠樓前拜新月
空視吐氣游絲長
蝴蝶宿花魂
亦香銀釵耿耿照離別
淚痕洗盡梅花粧

懷悅

過下邳有感

吳鉤腰下雙龍泣十萬心兵森劍戟金鞍駿馬珊瑚
鞭楊柳官橋送春色杏花雨歇東風顛荒城日落迷
青烟呼童沽酒酌黃石土人咲指圮橋邊

賞茶蘼

東風吹春春滿天妖紅艷紫皆紛然茶蘼花發萬莖
雪玉肌粉面香娟娟呼童捧盃開綠蟻杯吸花香醉
峯底玉山忽倒青娥肩花影滿頭扶不起

題梅花道人山水

梅峯道人畫中史盤礴廬山手不止屋開樹杪雲漫

漫澗鑿山根石齒齒兩翁杖底溪有梁松子乳落溪
雲香平堤十里燒痕濕高閣一榻秋陰涼方丈蓬壺
繞咫尺瑤草琪花亂晴色憑誰借我并州刀剪取烟
霞半空碧

鐵松齋夜酌

老兔上天流夜光白鷹作陣啼清霜銀荷剪花火吐
焰手擦龜鱗看寶劍青衣開尊傾翠濤詩成落筆飛
霜毫井泉煮茶鐺淪雪白玉作杯口銜月知心四三
咲不停累飲不醉通仙靈人生聚散不可必歲去何
須歎頭白

五言古詩

李孟昭

擬古

客有孤桐琴朱絃黃金徽持之忽見贈悠然寄遐思
一彈至三歎餘音一何悲流水與高山洋洋復巍巍
豈無知音耳於我何見遠懷哉伯牙翁絃絕傷鍾期
悵焉不終曲臨風欲沾衣

李孟璿

擬古

卞氏有美璞採之荆山中至寶不先剖獻君乃至公

玉人何嫌猜三獻兩見刑抱之發長號淚盡繼以血
宋人貴凡石得之梧臺東周客視之咲本與瓦甃同
思言翻見惡藏之愈深固自誇天下珍和璧安足觀
嗟哉優與劣賤目豈能別

煌煌匣中劍傳之歲云久霜花耀芙蓉鋒銜絕塵垢
想當冶鑄時功奪元氣毋洪爐沸禹坎雷騰六丁走
成之極精英宇宙同不朽初埋豐城獄應有神靈守
紫光如晴虹夜夜衝牛斗博達微張雷千年落誰手
晚墮迨平津一去知何有神物由天生變化終相偶
利鈍與離合時哉諒非苟玆藏不可玩長作蛟龍吼

安得持獻君一斬奸邪首

姚允言

蓬萊小景卷

蓬山渺何許杳在滄溟東陽鳥上扶桑照耀金芙蓉
中有神人居瑤樓倚琳宮崖產三秀芝澗羅五粒松
涼颼一披拂金粉香濛濛群仙下颺輪黃冠冰雪容
環坐如列星從以雙玉童瑤芳薦金醴清商激絲桐
胎禽挾其雌翩翩而來後回瞻高寒外似與銀河通
雪瀑垂素練星橋橫彩虹霜麝性頗靈已解迎仙翁
羽人韞白騾矯然若游龍仰次兩飛仙逍遙碧雲中

俯憐一葉舟萬里凌長風
惟仙所都可想不可逢
今辰見圖畫使我心神融
六希仙徒未能脫樊籠
相期拾瑤草有待訪崆峒

夫子學師襄琴圖 為劉克剛題

周衰樂廢缺正聲幾湮沉
可無竊識者世遠將焉尋
所以孔聖人後學師襄琴
初彈荷蘭操再鼓文三音
至和格鳥獸踏舞娛人心
此圖寫遺意山高流水深
披玩發長嘖視古猶視今

蘇正

古離別

送別六費思遠別思更長
岐送君行欲別猶徬徨
悵望萬里天道遠不得將立
為睢鳩鳥今為參與商
如何阻幽歎間關涉風霜
途渺無極歸期遙難量
車行有時止妾心無時忘
以時坐離居獨宿悲夜長
但願卒歡會毋使怨離傷

與沈通理

采采芙蓉花盈盈生蘭澤
寒裳擬其英芳馨宛堪挹
欲遺同心人緬思千里隔
江波悠且深方舟竟難適
良時坐離居心焉轉悽惻
羨彼澤中鳥安棲接雙翮

感月雜詩

娟娟三五月皎皎出雲間
散如波照我空庭前
端坐無與娛孤影自成妍
以宿依光采參差麗中天
牛女何寂寞迢迢隔河濱
良景忽易徂清輝不我延
萬古唯尔存人物俱茫然
撫懷不能寐徘徊空自憐

酬朱少卿

亭亭黃金臺乃在天之涯
闌檻近星日丹梯鬱嵒岵
城白玉以為觀黃金以為階
仰聽天鷄鳴俯視滄海波
飄飄美仙子御風或來過
容止麗且閑衣服被文羅
咲語吐蘭芬朱絃拂雲和
高蹈絕世塵服食藉朝霞
借問誰與居浮丘及洪崖
我欲從之遊天路不可跨

山川渺無極夢想空嗟

陳顥

夫子泣麟圖

詩亡春秋作姬政日就隨麟也本仁獸出焉非所宜
夫子因感傷臨風涕交頤
畫史載遺迹千古興嗟咨
方今

聖人出端拱致無為豈獨麟
瑞世鳳凰六來儀往事勿
復論作詩頌

明時

夫子聽琴於師堂圖

蒼姬尚文治叔世生宣尼立教以垂憲天縱聖哲資
師襄何許人冠裳肅威儀援琴得高趣揮手調朱絲
悠悠太古意不藉言與詞松陰白日永蕭瑟生涼颼
一彈萬慮息再彈心曠怡樂與二三子聽之忘神疲
世遠不可作此音知者稀撫圖三歎息長吟寄遐思
章文仲

贈沃昌言

登樓望太行西北高嵯峨良人愛傳正宮商發絃歌
隔江有佳樹鬱鬱含春華及時采條枝吳越頻來過
懷芳見同袍達旦歡樂多明月皎未沒輕舟逝長河

我有長恨詞欲與遊子和慙慙竟忘言加飡保微病

與楊景通

東南有嘉屋重複世所稀良材斲華棟交疏結高甍
眇尔一玄鳥壘巢來相依瑤池飲其渴太倉充其飢
八月秋社涼展翼時當歸主君終莫報戀戀不肯飛

丘大祐

擬古

青青礪畔松綿綿谷中蘿悠悠遠道人珊珊雙玉珂
道遠有返轂川逝無迴波游魚懷清淵逸鳥思高柯
昔慕蕭與羸今作羲與和白駒不可駐朱顏尤易磨

皎皎合歡扇文采鴛鴦羅隨君願終老其柰秋風何

荆人得美璞

荆人得美璞一獻遭傷夷宋

石什襲琛且奇

世目固如此誰能別妍媸真士鮮人合佞口多時宜
白雪雖大曲和之還復疑下里雖豔語學者爭來師
射御且孰孰等瑟當何持直道乃吾事毀譽從交馳

病苗

嘉穀茲時播百計不得榮硯瘠費膏沃灌溉勞孰墾
長禁樞為害復恐耨弗精未布暢茂列返就憔悴形
穉穉乃何物頽萎斬且萌善類懼陵轢遜避恒不勝

烏得被甘霖勃然枯槁興締實珠玉燦登膳醞醞
下視群穢惡泥滓空縱橫

浴罷

浴罷服不攬袒坐全天真竹几寄雙腕棕屨脫兩跟
月地涼有影露席清無塵怡然愛良夕把酒成逡巡
甘李浸朱實圓瓜浮翠珉對酌無雜賓僅有兒童親
長嘯叢清響不避比鄰嗔屏慮即云樂無愧堯舜民

館中寫懷

闢戶仰公府奈此喧雜何心遠乃不混清濁誠異科
把酒惜餘景一飲顏即酡條風闖我室悠然扇微和

芳事日易變綠髮日易皤却老無大藥措口無長戈
所以怛自檢囊括逸群魔俗論任紛出欲辨還成訛

夏日沈以東見訪

閒居人事疎夏熱晚慵起日高出前簷衰鬢蓬不理
豈然聞足音蒼黃倒雙屐投髮覆角巾吹塵拭烏几
故人真率交何能飭虛禮後客湖海談致我幽懷喜
展席俯菱荷焚香具圖史松醪方過墻鮭菜僅謀市
斜暉或可措歸輪一何駛吁嗟聚散期浮雲渺然爾

岑琬

夏日二首

永夏愛山水微醺樂陶然嘒嘒齊女咄灼灼芙蓉鮮
香旋沽酒寺近時逃禪乘閒即覽勝幸無塵累牽

又

林深暑氣薄雨過溪風清今朝幸休暇濯我冠上纓
閑披釋道書流觀周孔經誰能契吾志淡然忘世營

奉周編脩輿

瀛溪有流水淵源一何清上流接沂泗下派歸滄溟
紹述有聞孫卓卓儒林英憲前翠草積池上紅蕖明
凌雲發科第拜官登蓬瀛權衡職獻替著作揚芳馨
異彼丹山鳳翩翩集

虞廷采炳芥袞綉音協蕭韶聲故山有梧竹暫尔垂脩
翎行看入阿閤雖雖自和鳴允為邦家瑞四海歌文
明

瞻綠

曲江若淇澳上有千琅玕主人發吟嘯六月清風寒
清風洗心目晴窓漲波瀾玲瓏戛金奏勢埒蕭湘寬
雷轟起蛟蜃月白停驂鸞飛仙任鼓舞此君心自安
移尊翠雲幕得句青瑤刊霜霰既紛亂萬木俱凋殘
蕭蕭不改色娟娟殊可觀歲寒秉高節知己良獨難

題仙山圖

蓬萊渺何許乃在人世間弱水三萬里清淺浮雲山
鶴鸞翥夜月雞犬鳴秋烟雖云接人境風物如桃源
南山寫真趣天機誰可傳桃峯照玉洞瑤草成金丹
刀圭倘有事羽翰諒非難豈知長生術畢竟非樓船

耕心

心為聖王田我今一畝之人欲即羨釋夙夜懷憂
乾蠱爻蓄穫樹德孫謀詒行險非所願遺安乃其宜
水旱何足憂螟蝗復奚疑日日見豐年昭哉名訓垂

玩藥

月為太陰精西生復東吐為天作光明配日行萬古

道人探化元飽玩忘寒暑丹室溢清輝良宵值三五
金魄晃蟾蜍坎離媁龍虎沉澗六復冷瑤林久延佇
白兔自長生神交羽衣舞早晚金液成飛遊廣寒府

寄胡芸軒

結屋住烟水繞地栽香芸書蟬悉弭趾細快生餘芬
雍雍薦養志高堂事嚴君豈無累世德燕翼仍詒孫
願生丹山鳳五采成奇文嗟余久不集引領吳天雲
一日若三秋夢想徒殷勤清江抱村流東臯嘯斜曛
明日重携手不使傷離群

姚廷輔

寫懷

東牆桃李巷娟娟
炫春色寧知榮瘁
愁得意即驕溢
東風忽致權芳情
告蕭瑟視彼簞管
枝淡泊能自適
勁節無暄寒寵辱
不可惑嗟哉桃李
顏安能儼幽質

寄友

東海有佳士髮綠
雙瞳青學書柿葉
圃讀易梅花庭
朝弄若木影夜玩
微垣星吐氣作五
色開口談六經
郡邑不可辟鄉里
不敢凌論事切感
否飲酒忘酣醒
交我自結髮無慕
貴賤形尔汝永相
好淡然非世情

春日寫興

斗柄忽東指大地
條風生萬穴蒼幽
蟄花木欣欣榮
生意不可挽衆舌
回新聲嗟我卧岩
壑寒燠恒自膺
書空固咄咄抱拙
徒競競陽春六何
黨不照寒士肩

陳羅

自笑

蝸蛭尚可濡螢火
猶可照丈夫七尺
軀豈不能自料
平生萬里志慷慨
付長嘯但願五湖
上無事輩遊眺
放身逐烟水躡躡
向雲嶠逍遙不寄
衆庶以適吾好

士林詩選卷下

書士林詩選後

古詩未刪之前繁雜訂紊謬
正混淆四詩之旨蠢駁叵別
逮吾夫子一玄取之然後周
南國風雅頌燦然有序使人
知其懲創感發後至漢魏六



朝隋唐皆有詩直採者尤濫
而不精刪考尤踈而不密是
以雖有文選風雅翼唐音譜
編其溫柔敦厚皆未始無愧
於三百篇然各以其音鳴一
代之改教亦不為無功吁甚

矣采之刪之之難有是也今
嘉禾鐵松懷用和讀書嘗努
力於風賦比興中故立家塾
恒接海內名碩凡知篇什者
靡不與游以倡和為事久而
蘊之累篋殆漫漶不可檢暇

士林傳序
日者其良可尾於古者擇而
類編之題曰士林訪選既成
帙復慮字有豕亥魚魯之失
命予歷閱之用繡於梓工既
屬予書其意啟于後予惟用
和統緒之子能用力於此任

刪采之難其志詎不大歟且
予老耄廢學無藻鑑之明竊
附名於用和之位僭踰之罪
孰得逃耶雖然贊切成事擇
懲劊感教以詔後進輯溫柔
敷厚以彰





